

英



百哀詩原稿

影印序言

我國古代以科舉取士其目非一唐宋而後特重進士稱進士殿試者名為狀元得之引為殊榮吾泉自宋紹興三十年庚辰（公元一一六零年）梁克家大魁天下代有狀元清光緒十六年庚寅（公元一八九零年）吳魯以一甲第一人及第科舉未幾旋廢狀元遂成歷史名詞矣

吳魯（公元一八四五至一九一二年）字肅堂號且園泉州府晉江縣錢塘鄉人泉州為我國歷史文化名

城著名僑鄉故吳魯實為我國文化僑鄉之最後一位狀元也當其生活時代我國備受列強侵凌清廷腐敗民生凋零有識之士莫不痛心疾首憂國勢之垂危吳魯生長於濱海僑鄉具愛國之熱忱頗知國際時事庚子（公元一九零零年）八國聯軍侵佔北京清廷西逃吳困居危城憤朝廷之喪權痛官吏之辱國因撫述在京目睹耳聞之事成詩百首綴以史實名為《石宸詩》民國初年吳魯已故其子鍾善客台灣始以《石宸詩》付鉛印出版事隔多年傳本已稀讀者

罕見

福建省地方志編纂委員會張立主任前長福建師範大學有年亦曾在泉任職對吾泉文教儲極關心一九六四年秋彼於泉州街頭小攤上遇一以古舊書及瓷器求售之農民視之其中有吳魯《百哀詩》原稿一冊因購之珍藏於家此稿幸逃毀滅之劫吳魯之書法素重於時原稿之文字因經刪改之迹猶存故與鉛印本稍有差異是以具有書法文物歷史材料及版本源流等三重價值彌足寶貴際值中華振

興文明大啟張立主任慨將原件惠借影印藉廣流傳又承菲律濱讓德吳氏宗親總會理事長吳國藩副理事長吳身謀吳漢源常務理事吳玉平諸先生緬懷族賢手澤重視桑梓文化提請理監聯席會議通過資助初版經費具體印務交泉州誌編纂委員會辦公室諸全人負責鄉先賢吳魯愛國愛鄉之史詩與珠圓玉潤之書法得與讀者見面張立主任及菲律濱讓德堂諸君厥功甚大此書除吳氏原稿外序言及墓誌銘仍依鉛印本之舊唯新增菲律濱近

版吳鍾善守硯庵文集中之吳魯行述一文以詳吳氏生平書成爰記數言以誌影印始末

陳泗東謹識

公九一九八五年元宵佳節於泉州誌編纂委員會辦公室

清詔授資政大夫賜進士及第

學部候補丞參翰林院修撰先考里南府君行述
府君諱某字肅堂號且園晚年自號老遲又號白華
庵主世居福建泉州府晉江縣治之南我吳之先於
泉爲著姓遭明季倭寇之亂逸其譜莫能詳相傳先
世爲浙之錢塘人流寓泉州遂占籍焉名其鄉曰錢
塘稱錢塘派然亦莫得而詳也我高大父府君諱呈
堅妣氏林曾大父府君諱璧經妣氏賴大父府君諱
廷選妣氏張是生先考府君兄弟四人始吾家故貧

一
瘠田庫屋不給于饘粥獨以行義望于鄉鄰有修建
屋宇者曾大父乞取所餘甃石累累積床下遇清明
節編行荒塚間其有枯骨暴露與其子孫遠道祭掃
而猝不及掩其將陷之封者輒爲之增卑培薄雖勞
不倦先大父嘗賈于莆陽一被盜再被火皆罄產以
償不負人一錢同治甲子髮匪破漳州又於廈門一
帶採辦糧米接濟軍食事平往來城廂內外賑恤飢
民撫勞怨至同事者或獎至道員先大父獨不要賞
徑去府君先大父之仲子也長爲伯父板堂公三爲

叔父沂堂公曰爲季父肇基公均前卒府君既官京師每遇覃恩輒請於朝自曾大父以下皆贈資政大夫妣皆贈夫人府君自幼穎異五歲就外傳不歆坐不斜視不苟嬉笑塾師嘖嘖稱異年十二讀書郡中小海黃先生家塾先生一見決爲偉器又介府君先後受業於斐屏張公冰若陳公之門諸先生爲一時宗匠皆以國士相遇期許遠大不獨課以舉子業凡古今治亂興衰之故因革損益之宜與夫儒先性命諸書無不窮源竟委口講而指畫之府君嘗謂所學

得力於三先生爲尤多十八入邑庠旋食餼辛未壬申歲科試尤爲學使者濟甯孫文恪公毓汶所奇賞癸酉開拔萃科遂以府君貢成均甲戌朝考一等授刑部七品小京官俸滿升主事充秋審處總辦惟時銅梁吳公鴻恩主講觀善堂延四方名士爲文會府君倚寓其中獲與當世賢士大夫遊昕夕講論肆力於學光緒庚辰先大父年七十假歸稱觴有終焉之志先大父趣裝就道勉以服官圖報稱至於再三尚猶依依膝下更寒暑越壬午二月始行北上先大父

健飯無恙也僅逾年而辭去爾居買鹽集都遠陵南
下比抵家一動幾絕以兆域未卜備先叔父沂堂公
躬歷窮峯疊嶂日行數十里稍暇則參考地輿家言卒
得佳穴奉先大父安厝焉丙戌服闋入都七月考取
軍機章京十一月傳補旋克方略館纂修在公勤慎
始終五年未嘗給一日假期時輒與同直徐公樹鈞
金公保泰孟公繼堃徐公迪新陳公熾輩討論經史
大義時政得失旁及金石篆刻書翰繪事窮極奧竅
往復辨難以爲樂戊子中式順天鄉試庚寅賊進士

殿試一甲一名改官翰林院修撰明年六月與試陝
西八月移督安徽學政時猶未數館也秦開揭曉多
知名士十月抵任皖學例有覓搜檢賞歲科兩試爲
數頗巨相沿已久未之能革府君始受事即峻卻之
所至釐剔弊端甄拔寒畯日而試士旋而衡文每青
取一人必反覆移時尤以培養人材爲懷臣應盡之
職若省垣之詒經書院太平之翠螺書院徽州之紫
陽東山兩書院或倡建或重修或購藏書或增膏火
先後捐俸五千兩奇羨已秋數輸荒災部堂體恤

賑又與中丞沈公秉成各捐千金陝士董春綠年老
家貧客死幕中厚賻其子使得歸櫬其他賑孤恤嫠
修廢舉墜如此類甚衆不具書甲午恭逢孝欽顯皇
后六秩萬壽特開恩榜會中日違和有事疆場江皖
督撫弗克入闈奏請府君代辦江南鄉試監臨維時
軍務倥傯征調繹騷江干民船悉被封禁八月初三
日松江考生張邦燮潘炳辰陸元達等進省應試比
到下關兵差蜂擁上船挾勢鴟張凌辱尤甚潘陸被
擠落水張亦身受重傷上下江士子均抱不平聚衆

數千遮塞監臨節署時已漏下二鼓矣府君聞外關甚烈探悉情由亟命遞呈批辦立詣江督劉公坤一磋商踰時未能定議府君曰本科恭逢慶典兩江士子一萬數千公憤難平衆怒難犯非細故也况又軍務方興人心搖動萬一不逞之徒乘機竊發將若之何劉公深以爲然遂會銜榜示通衢剴切宣慰緣是士子始各歸寓屆期如常入闈九月事竣回署時先大母春秋高南望晨昏惻如也顧以警報紛傳屢戰失利宵旰旰食非臣子圖安之日十一月交卸回京

闔省士紳相與勒碑署左以志不忘乙未散館一等九月給假歸省先大母喜動顏色自是府君每晨起偕先伯父率子婦孫曾起居先大母上食親爲調護撤食親爲拂拭夜則伺先大母就寢然後率家人出門以內雍雍如也丙申六月先大母卧病七日遽至不起慎終之典一哀諸禮府君恆謂薄宦京國微祿不足自給迨出視饒學又以先大母年近八旬不獲奉安輿以就養常引以爲憾丁酉四月奉先大母柩于先大父之兆親友執紼途爲之塞有至自數百里外

者見先伯父暨府君哭盡哀輒私相告語曰太夫人
躋上壽被崇封二老人者沿途哭踊惻然動人真盛
事也已亥服闋將回京知交朋好多留行者府君曰
唐馬周有言每讀前史見賢者忠孝事未嘗不掩卷
太息思履其迹不幸已失父母抱恨終天願來事可
爲者惟國事而已移孝作忠所以報國亦即所以報
親也遂就道八月抵都歷充國史館纂修教習庶吉
士本衙門撰文諸差庚子二月山東拳匪滋事蔓延
及於近畿五月以後殃及德使擾及使館戰禍已開

大局岌岌矣六月詔開軍務處以府君充總辦到差未幾天津失守馬提督玉崑飛報軍情府君代為裁答略云爲今之計宜以南路包抄其後西路橫擊其腰北路力遏其衝克服津郡保衛畿疆此上策也總期互相聯絡一鼓作氣三面環攻以紓宵旰之憂勞以膺渥優之懋賞又以是時條上用兵策略指陳形勢籌畫軍情尤爲詳晰顧事已無可爲矣不數日楊村通州相繼淪陷七月廿一日聯軍入都府君聞聖駕自西直門出徒步追隨及於海淀明日復前行未